

বিষয় : কাস্টমস বন্ড কমিশনারেটে কর্মরত কর্মকর্তাদের সাথে বাংলাদেশ ফিনিশড লেদার, লেদার গুডস এন্ড ফুটওয়্যার এক্সপোর্টার্স এসোসিয়েশনের প্রতিনিধি দলের অনুষ্ঠিত সভার কার্যবিবরণী।

তারিখ : ৩১.১২.২০১২
স্থান : সম্মিলন কক্ষ, কাস্টমস বন্ড কমিশনারেট, ঢাকা
সময় : বিকাল ১১.০০ টা
সভাপতি : জনাব এম. হাফিজুর রহমান
কমিশনার, কাস্টমস বন্ড কমিশনারেট, ঢাকা।

কাস্টমস বন্ড কমিশনারেটে কর্মরত সরকারী কমিশনার তদুর্ধ্ব কর্মকর্তা ও বাংলাদেশ ফিনিশড লেদার, লেদার গুডস এন্ড ফুটওয়্যার এক্সপোর্টার্স এসোসিয়েশনের প্রতিনিধিদের উপস্থিতিতে ৩১.১২.২০১২ তারিখে বন্ড কমিশনারেটের সভা কক্ষে একটি সভা অনুষ্ঠিত হয়। সভায় জনাব এম. হাফিজুর রহমান, কমিশনার, কাস্টমস বন্ড কমিশনারেট সভাপতিত্ব করেন। সভায় নিম্নোক্ত বিষয়াদি নিয়ে আলোচনা ও সিদ্ধান্ত হয়:


০১. আলোচ্য বিষয় : সুপারভাইজড বন্ড অটোমেশন কার্যক্রমে উদ্ভূত জটিলতা নিরসন।

বিএফএলজিএফইএ এর বক্তব্য : সুপারভাইজড বন্ড অটোমেশন প্রক্রিয়া সম্পন্ন করার লক্ষ্যে কর্মকাণ্ড অব্যাহত আছে। তবে বিষয়টি লেদার সেগুন্ডে ক্রিয়াশীল অপর এসোসিয়েশন অর্থাৎ লেদার গুডস এন্ড ফুটওয়্যার ম্যানুফ্যাকচার্স এন্ড এক্সপোর্টার্স এসোসিয়েশন অব বাংলাদেশ সংশ্লিষ্ট হওয়ায় এ বিষয়ে কার্যকর পদক্ষেপ নিতে হলে পুরো প্রক্রিয়ার সাথে তাদেরকেও সমানভাবে সম্পৃক্ত করতে হবে। তবে বাংলাদেশ ফিনিশড লেদার, লেদার গুডস এন্ড ফুটওয়্যার এক্সপোর্টার্স এসোসিয়েশনের এর পক্ষ থেকে অটোমেশন সংশ্লিষ্ট বাদবাকী কাজের জন্য আরো ৪(চার) মাস সময় প্রয়োজন হবে বলে সভায় অংশ গ্রহণকারী প্রতিনিধিবৃন্দ জানান। এ প্রক্রিয়া চূড়ান্ত না হওয়া পর্যন্ত বিদ্যমান ম্যানুয়াল পদ্ধতিতে রিকুইজিশন, এক্সপোর্ট পারমিশন ইত্যাদি কার্যাদি সচল রাখার ব্যাপারে তারা অনুরোধ জানান। বর্তমানে এ বিষয়ে কিছু কিছু জটিলতার সৃষ্টি হচ্ছে।

বন্ড কমিশনারেটের বক্তব্য: উপস্থিত প্রতিনিধিদের সাথে সার্বিক বিষয়াদি নিয়ে আলোচনা হয়।

সিদ্ধান্ত : উভয় পক্ষের মধ্যে আলোচনান্তে অটোমেশন কার্যক্রম সম্পন্ন করার জন্য বাংলাদেশ ফিনিশড লেদার, লেদার গুডস এন্ড ফুটওয়্যার এক্সপোর্টার্স এসোসিয়েশনকে ৩০.০৪.২০১২ তারিখ পর্যন্ত সময় দেয়ার সিদ্ধান্ত গৃহীত হয়। তবে অটোমেশন কার্যক্রম সম্পন্ন না হওয়া পর্যন্ত ম্যানুয়াল পদ্ধতির রিকুইজিশন এবং এক্সপোর্ট পারমিশন অনুমোদনের পদ্ধতি অব্যাহত থাকবে। এ বিষয়ে অপর এসোসিয়েশন লেদার গুডস এন্ড ফুটওয়্যার ম্যানুফ্যাকচার্স এন্ড এক্সপোর্টার্স এসোসিয়েশন অব বাংলাদেশ এর সাথে পৃথক সভা অনুষ্ঠানের সিদ্ধান্তও গৃহীত হয়।

০২. সভায় আর কোন আলোচ্য সূচী না থাকায় সভাপতি সবাইকে ধন্যবাদ জানিয়ে সভার সমাপ্তি ঘোষণা করেন।


[এম. হাফিজুর রহমান]
কমিশনার